

143

الشيخة

المسلمين

١٢ ذى الحجة ١٣٣٦	نخشبہ	١٩ ايلول ١٣٣٤
صا ٧	دعوت واجابت امثريتہ تلقينانہ واعل قلامك : تعارف ، تعاون واتحاديتہ خادم ، حكمت تشریعدن باحث ، شئون اسلاميه في ناسر هفتہ لى اسلام نورك جريدہ سيدر	نسخہ ١٠٠ بارہ

تبرك عید اضحی

بادیٰ یمن ومسعدت اولان عید سعید اضحی فیض اتانک بالجمله
مؤمنین ومؤمنات وعالم اسلام اوزرینہ نور ومیمنت نثار اولسنی خالق
ذوالجلال حضر تارندن نیاز ایدر ووظیفہ تبریکی مسرورانہ ایفا ایلرز .

مندرجات

لدنیات فرقانیہ - سورہ کوثر تفسیری
حدیث شریف
دیانۃ حقہ ومدینۃ حقیقہ
دارالحکمة الاسلامیہ
دارالحکمة الاسلامیہ نک بیاننامہ سی ، یومی جرائدہ آیات جلیلہ نک عیناً درج ایدلامسی
احمد حمدی
غوثی
مرشد
ح . فہمی

لشكن و منكم امة يدعون الى الخير و يامرون
والمعروف و ينهون عن المنكر و اولئك هم المفلحون

ساحي ياندرمه لي

احمد حلمي

مارغ تايسي :

غرة رمضان

١٣٦

ملكه موافق مختصر

ومقيد يازيل قبول

اول نور

درج اولتيان يازيل

اعاده ايدلر :

بوسه قوطيسي :

نوسرو ١٣٩

اشتكى

المسلمين

مدير مسئول

حسن كاظم

اداره خانه :

دار الخلافة الملية

باب عالي ابوالسعود

جاده سي : نوسرو ٧

سنه لك آيونه سي :

نور كيا

١٢٠

انجون

خارج ١٣٠

انجون

نجشنبه

١٢ ذى الحجه ١٣٣٦

١٩ ايلول ١٣٣٤

صاني

٧

دعوت واجابت امثله تلقيناته و اهل قبله لك : تعارف ،
تعاون و اتحاديه خادم ، حكمت نشر يعبدن باحت ،
شئون اسلاميه بي باشر هفتة لق اسلام نورك جريده سبدر

نسخه سي

١٠٠ باره

ادع الی سبیل ربک بالحکمة

عصر حاضرہ علم اجتماع نقطۂ نظر ندن انکشاف اجتماع باشلایان مسائلین بریہ مشیہ وجداندر . یقین زمانلرہ قدر بالکثر فردیت اعتباریلہ تدقیقہ اوغراشیلان وجدانک بوکون اجتماعی شئونانی تثبیت اولئمہ وملتک بروجدان کلی* اجتماعی ایله قائم اولدینی آکلاشلئمہ باشلامشدر . قدما لسانیلہ افادہ اولئمہ جق اولورسہ ملت عد ایدیلان ویرشخصیت معنویہ حقوقیہ اولهرق ابراز وجود ایدہ جک اولان هیأت اجتماعیه تک علمت صوریه سی وجدان کلیسندن عبارت دیمک لازم کله چکدر .

تاریخ ادیان ازبانک تعریفده اتفاق ایدہ میوب طور دقلری دین مطلق ، ملتک وجدان اجتماعیلرینی اشعار ایدن مبادی* کلیہ در دنیلسہ حقیقہ تقریب ایدلش اولور . بومبادی کرک حق و کرک باطل مرہنہ ایسہ حد ذاتندہ اولمکت جهت وحدت حیاتی وجدان کلیسی دینی اودر . هرملت بویله بروجدان بویله بر دین ایله قائمدر . بونک ایچوندک دینسز برملت تصوری تناقضی متضامدر . ادیان و مبادی* باطلہ مرحالہ محکوم زوالدر . فقط مبادی* حقہ بعضاً ماوراء شعورہ آتیلہ یلہ بنہ دیرایلر . الی الابد دیریلر .

کلی وجدانلرک تاسی ، وحدود وشعورلرینک تنظیمی ، ونشو وعمارینک صورت سیری ایشته بشریتک الک معضل مسائلی که علوم مثبتہ دن هیچ بری بونلرہ دست حکومتی اوزادہ مامشدر . فیلسوفلرک معارضات متادیسی ایسہ انسانلرہ سکینت وجدانیہ ویرمکدن زیاده زیب وحسیان بوکلمکده در . بوکا بنہ در که عصر حاضر فیلسوفلری فلسفہ دن ایقان بکینلرہ قارشی مهاجمانی کیندکجه آرترہ مده درلر . حالبوکه موفقیت حیاتیہ قوت وعزم وارادہ یه بوايسہ قوت ایقانه وابسته اولدیفندن تردد و حسابان ایچنده بووارلانان وجدانلرک بجراندن باشقہ بر اثرلری اوله مامق قدر طبیعی برشی ده بوقدر . فقط

اك اوزاق نقاتله قدر انتشاره جالیشان حساباك ، شعور سزاقه
نظراً بر خدمت كشفیه سی دخی اوله بیله جكندن ملنلر فلسفه بی حاكم
صایمازلر سه . خادم اتخاذ ایتمك نده خالی قالمازلر .

وچدان اجتماعی حادثاتی اوقدر سیال اوقدر معضله دركه كوكلری
تا اعماق تاریخه كومولمشور . طریق تجریده دن یورون علوم مثبت
موضوعلری هر زمان مشاهدات فردیه نك نك تحکمه کیره بیلدیکی
حالده موضوع اجتماعی ، ادراکات و احتیاسات عمومیه عصر لرجه
باشامش ملنلرک بیله مشاهداتی تجاوز ایدرده حافظه تاریخیه دن
استعانه یه لزوم کوستیر . بونده مشاهدك شهود کامله موفقیتی تسلیم
اولنسه بیله بالتکریر نتایج تجریده استحصالنه امکان تصور اولماز .
برالقان حربنك احتیاساتی برحرب عمومی ایله . بر روس
چارلغنك احتیاساتی برمازوری ، برقاریات هزیمتیه دوجار تحول
اولیور رکن بو حادثات و احتیاساتدن وجدان اجتماعینك قوانینق
استقرآت علمیه ایله تثبیت ایتمك البته متعذر در . بوندن طولانی فردك
بر وجدان اجتماعی تأسیس ایده بیله چی قبول ایدیه میور . تاریخ
وجدان فردیسی هوا نفسانی می آرقه سنده قوشاراق وجدان کلیسی
تخریب ایتمش برچوق فردلر کوستره بیلر سه ده بتون مبادیسه بیله بر
وجدان اجتماعی تأسیس ایتمش افراد کوستره من . بو بایده فردی
مؤسسه دایر کوستریه بیله جك امثال یالکیز اولوالعزم اولان پیغمبران
ذیشان حضراتی دركه بونلردن هیچ بریسی ده تبلیغاتی فردیتنه ،
شخصیتنه مضاف قیلماش وجهه سی احکام الهیه نك تبلیغنه مأموریتلری
دعوی و بالتجربه اثبات ایله مشلدر در ، دنیه بیلرک بو بایده اك موافق
منهج معرفت ملنلرک تاریخلرنده والد وجدانلری اولان نقول ثابت
ایله بر حدس اجتماعی یه منجر اولور . نته کیم ادله مثبت اسلامیه نك
امهاتی ده کتاب وسنت ایله اجماع امت اولقی اوزره قهرر ایتمشدر .
متکلمین و اصولیین اسلامك ده قبول اشدکری وجهه حدیسات
والهامات فردیه او قدر شایان احتجاج کورلمدیکی حالده « بادی »
حقیه موقن اولان برملنك حدس اجتماعیه دن اجماع کی برحجت

مصلیه طوغه بیلور . (ائقوا فراسه المؤمن قانه بئظر بشور الله)
 حدیث شریفی مدلولجه نیجه زمانلر اولمشدرکه وقایع مهمه حقنده
 ناست حدس اجتماعیلری عقول و افکار فریده دن زیاده اصابت و حاکمیت
 کوسر مشدر . بوشج اوزرنده بوروبه جک هیأت اجتماعیه بر طرفدن
 اصول و مبادیسی غائب ایتمه رکه ایقان و اراده نی وهندن محافظه
 ایدر دیگر طرفدن شئون حیاتیه نك تسلائی تعقیباً ترقی ایله مظهر
 نشو و نما اولور .

مرور زمان ایله احتکاکات اجتماعیه و جدانلری بسطدن مرکه
 طوغری کوتورر . بروجدان کلی مختلف شعبات مذهبیّه و اجتماعیه نك
 ترکیبی احتوا ائتمکه باشلادینی زمان فردی و جدانلرده کی نفوذی
 بر نوع ضعف اراشه ایلر . ایشته اصل ورثه انبیا اوله بیلیمک مزیتی
 حائز اولان علما بویه زمانلرده مبادی و جدانی نی تنقیح و تقویه
 و حادثات جدیده ایله آرا لرنده کی مناسبات مثبتّه و منفیه نی ابراز ایده
 بیلیر لسه ، ملت بیکدن برصفوت و جدانیه اکتساب ایدم بیلیر .

وجدان کلینک بمضلرینه کوره اجزاسی ، بمضلرینه کوره ده
 شروطی مثابه سنده بولنان وجدان فردی ایله حدود و مناسباتی
 مسئله سی دخی اساسات حقوقیه حقنده جدی تنویرات حصه وله
 کتیره جک مسائلدر . حریت وجدان مسائلی اطرافنده طولاشان
 و حالا اون سکزنجی عصر افکار نی تمثیل ائتمکده بولنان مسلمات
 حقوقیه یالکز وجدان فردی ملاحظه سته مستند کور و عمکه تطبیقات
 نقطه نظرندن مهم مهم جهتلرده دوجار تعارض و مشکلات اولمقدن
 وارسته قالمامشدر . حریت وجدان دستورینک تطبیقنده واصل
 تکامل اولدیغی ادا ایدن دولترک بته تعبید وجدانه متعلق قانونلر
 وضعندن آزاده قالمدقلر نی کورهن حقوق اساسیه مؤلفلری بو
 وضع متناقضی تاویل ائتمک ایچون چالیشوب طور بورلر . حال بوکه
 علی العموم قانونلر وجدان کلی اجتماعینک فردی وجدانلره تعمیل
 ایتدیکی احکام تکلیفیه دن عبارت اوله چی تأمل اولتورسه حریت
 وجدان دستوری نظر حقوقده دخی فردیتدن زیاده وجدان کلی به

تطبیقاً حل ایدنك اقتضا ایدم جك واحتمال اوزمان فردی وجدانلرك
وجدان كلی به قارشی طاشیه جنی وظائف اخلاقیه ایله حقوق عمومیه
بحقی باشقه اینجه لك كسب ایدم جكدرك .

فردده دستور حریت هم جزئی وهم اضافی بر تجلی بی حائزدر
هر فرد حیاتی كندی ضمان شخصیه یله بالانقراد ادامه ایدم بیوب
بر هیئت اجتماعی ملیه لك جناح حمایتیه دخالت مجبوریتده بولمق
حسیله اوهیئت اجتماعیك وجدان كلی آ كبرطاقم وظائف تحمیل
ایدركه نفسی بولردن آزاده فرض ایدم جك صورنده هم افراد
وهم ملتیه قارشو حریت وجه ان ادعاسنه قالیقیته جق اولان فردلر
هیچ برملت اینچنده جای قبول بوله مازلر .

بونك اینچون ملتلك اعظم احراری وجدان فردیلرینك حریت
مطلقه سی دعواسنی دكل؛ وجدان كلی اجتماعی بی تمثیل ایلك منیه سی
تعقیب ایدن وروح كلی اطلاقنه شایسته اولان رجال اولورلكه
قصورلری برملتك تصویرنه ، احتیاسلری بتون برملتك احتیاسنه
ترجمان اولورده اراده لری اوملتك ارادتی تضمن ایلر . دستور
مذكورك مطلقیت تطبیقی اولسه اولسه وجدان اجتماعی حقنده
ممكن اوله یله حكدر .

نفسنده قیمت حربی شایان قید بولنان وجدان فردی، وجدان
اجتماعیه معارضه ایدم جك برطرزده سر آزا و باشماق سوداسنه
دوشدیکی ، تعبیر معروف قیله هوا ی نفسانینه زبون فردلرهم بریکونه
بالغ اولقه باشلادیقی زمان ملتك صلابت اجتماعی سی حلقه اوغزار .
(ومااختلفوا الا من بعد ما جاءهم العلم بغیا بينهم) نظم سبحان سینك ایما
ایندیکی وجهاله بالخاصه مظهریت علم ایله تكامل ایستد كده كمره
وجدان كلیدن ، لسان شرهك حق الله دیدیکی لوازم وحدتدن
ذهول و دعوای فردیت ایله اظهار بی واستقلال ایدم لك كاله كلش
میوه رکی آفاجندن دو كوله یه تمایل ایدن ویا كندی وجدان اجتماعیه سی
باشقه وجدانلرهنه همه جالیشان فردلرهم كندیلرینك وهم ملتیلرینك
علل نكیتی اولورلر . بالعكس وجدان اجتماعیك حریت كامله یه

مظهر بنی اعلاء کلمة الله من معبود اوله رقی هر سعادت منجی، هر فضیلتك
مبدأی اولی من بنی ابراز ایدر . بومهمیه ارشاد ایچون (ایلك نعبد
وایلك نسمعین) زمرة محمد بنی تعلیم بیوران قرآن عظیم الشان فاتحه
هدایتده هیأت اجتماعیه اسلامك آنجق رحمن، رحیم، مالك يوم دین
اولان جناب رب العالمینه حصر عبودیت واستعانه ایله مادیایه اعلان
حریت ایدم بیله جك برغانه کلامه وصولی بولی کوسترمشدر .

نهیوك دواتك برملت بالکفر اللهنه بیون اکه یلسین، نه بیوك
نعمت که بر فرد بویله بر ماتدن جزه اوله یلسین. مع مافیہ آکلاشیلیور که
وجدان اجتماعی دستور حریتی ده اضافت ن بستیون وارسته قالمیور .
فردی وجدانلر حقوقك بونده بر تاثیر تقابلی اولدینی کی عالمه
مختلف ملترك آری آری بر وجدان، کلیری بولنقی حیثیتله بونلرک
نقاط تصادم بر برلر بنی تقبیده قایللری دخی بر امر بدیهی و ضروریدر .
دونلرک مادیلرنده فصل بر حدود و ثغور وارسته ملترك
واجتماعی وجدانلرک ده معنیلرنده اوله بر حدود و ثغور وارددر .
بونلر علوم و فنون نافعہ کی مزایا و فضائل بشریه و دنییه قوافلنک
کشت و کذارینه بر مجرای سلامت و ملترك مقدساتی بغمایه
کلامك اولان جنود باغیه ضلالت بر مدخل شقاوت تشکیل ایدرلر که
برنجی قیوی سده قالدش جق اولان تعصبدر، مذمومدر، ایکنجیمیه
مقاومت ایدم جك اولان سلاستدر، محدوددر . حدود معنویه سنی
محافظه ایدم بیله جك صلاحی حائز اولامیان ملثلر حدود مادیلر بنی ده
محافظه ایدم مزلر . ایتسه لر بیله استقبال ن امین اوله مازلر . ایر، کیج
فنا ویا استمثاله محکوم قایلرلر .

ایشته هر شان بومیدی عصری بر درس و برمکه اولان شو
زمانده ملکتمزک بوبادنه کی احتیاجاتی نظر انتباهمزی جلب ایدم جك
بر نقطه حادیه کلش و عالم اسلامك ضربات وقایع ایله ازلمکده بولنان
وجدان همومیدی افق معالای خلافتدن بر کوکبه امیدك طلوعنه نصب
نظر ایلش اولد یقندن وجدان امتی تغذیه و نظمین و بونقطه ده تقسیم
وظایفی تأمین ایدم جك بعض تشکیلاته لزوم حاصل اولش و بنابرین

بخصوصه اختصاصی طبیعی اولان مقام مشیخت اسلامیة نك امك
جریان دینیه ناطم و تکمیلان اولمی و تربیه و هدایه منه حصر شعور
واذعان ایتمی و جونی تقرر ایتمشدر .

بوصورتله خلافت کبرای اسلامیة صدای دینی دولتک مقام
مشیختدن بر نغمه نوین ایله یوکسلمه منه اعتنا ایدوب باب فتواءه
دارالحکمة الاسلامیه نامبله بردارزه تشکیلی حقنده کی قانون و آکا متفرع
نظامنامه نشر اولمش و بؤکره بحوله تعالی رسم کشادی اجرا قلمشدر .
مطالعہ سندن مستبان اوله جنی وجهله نظامنامه نك تودیع ایلدیکی
وظائفک اهمیت و سنین و قیرہ مساعییه متوقف منیه عالیہ نك عظمتی
اوکنده دارالحکمة کندیته عطف الفار ایتمکده بولنان مؤمنین ایلر برابر
ممتاز القلب اوله رق و توفیقات سبحانییه صیغه رق خدمته مباشرت
ایتمش و اوچنجه ماده موجبنجه ایلک وظیفه سی اولان استحضارات
علمیه ایچون پروگرامی تصویره باشلامشدر .

تشکیلاتک ابتدائیلکی و الجای حال ایل و سائط لازمه نك فقدانی
ایچنده دارالحکمة متفکرین مملکتک معاونت صمیمیه لری لزومی حسن
ایتمسه البته ادراک سزاک ایتمش اوله جقدر . هیچ شبه یوق که
نظامنامه نك دارالحکمة دن بکادیکی خدمات یالکڑ دولت عثمانیه و ملت
اسلامیه منحصر بر غایه کالی احتوا ایتموب عالم انسانیتک و جیدن
عمومیه منه متعلق فضائلک تحریسه نه منعطف بولندیقندن دارالحکمة
تمی معاونت علی العموم انسانیت خادم لریزه قدرتشمیلده تردد ایتمیه جک
و بؤوجهله حاجات انسانیه و اسلامیه یه ده کسب و قوف ایدرک مشکلات
دینیة اسلامیه نك حلنده برمرجع اولق شرفی احرازه چالیشه جقدر .
ان شاء دارالحکمة بردار تعصب اولمیه جق رخص و مساعدات
دینییه تحری و حوائج اسلامیه بی قطعیه اوغراشه جقدر . عین زمانده
دارالحکمة دار صلابت اولمغه چالیشه جق ضروریات و اساسات دینییه دن
و احکام عالیة اسلامیه دن انحرافی تجویز ایتمیه رک حبل متین اللهی یه اعتصام
عشقی بسله یه جکدر . همان جناب حق توفیقی رفیق ایلیه .

آیات جلیله — جرائد یومیہ مطبوعات موقوتہ کی رسالہ ماہیتندہ
اولدیغندن آیات جلیله و احادیث نبویہ نك عیناً درجندن توقی ایله
هانکی سورة شریفه نك قاجنجی آیت کریمه سی اولدیغنه اشارت
ایتمک کی بر صورتله اکتفا قلمیسی لزومی مشیخت اسلامیه دن وقوع
بولان اشعار اوزرینه مقام سامی صدارت پناھیدن داخنیہ نظارت
جلیله سنه تبلیغ اولتمشدر .

عید سعید اضحی آلائی والاسی

خلیفه روی زمین پادشاه از افند من حضرتلری بایرام ثمازینی طولمه باغچه ده
والده جامع شریفنده اجرا بیورو قدن صکره برای هما یونلرینه عودت ایتمشدر
ومعایده رسم عالیسی ساحل برای مذکورده اجرا بیورلمش و وکلای فخام و اعیان،
مبعوثان رئیس و اعضاء لیلہ امرای عسکریه ، علمای کرام حاضر بولنه رق
عرش تبریکات ایتمشدر .

.*.*

مسافرة شهر مره کلش اولان طرابلس غرب و بنغازی نائب السلطانی دولتلو
احمد الشریف السنوسی حضرتلری و معیتی ارکانی دخی رسم مذکورده حاضر
بولتمشدر .

قارئین کرامه

لدنیات بسمله شریفه نك مابعدینه دوام ایدلمه مسنك اسبابنی سؤال بیوران
قارئین کرامك کثرته بناء آیری آیری جواب و برمك متعسر اولدیغندن
عقولرینی تمی ایدرك جمله سنه بردن علناً جواب ویریوریز :

تفسیرلرنده یکمتا اولان شیخ حمد حمدی افندی حضرتلری احوال صعبه -
صندن دولایی مابعد لدنیاتك امهال ایدلدیکنی قارئین کرامه سلام و احرام
ایله عرض ایدلمسنی بر مکتوبله یلدرمشدر .

مشارالیه حضرتلری بر آزار عاده صحت ایتدیگندن کله جک نسخه دن اغتیاراً
لدنیاتك مابعدینه دوام اولنه هفتی مشتاق مطالعه سی اولان قارئین حضراتنه
تبشیر ایدریز .
ارشاد

مدیر مسئول : حسن کاظم